

Broj: 03-11-1393/2020  
Sarajevo, 30.12.2020. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primijeno: 31-12-2020			
Org. jed.	Broj	Priloga	Vrijednost
02	-11-	2083	20

**PARLAMENT FEDERACIJE  
BOSNE I HERCEGOVINE**

- Dom naroda  
gosp. Tomislav Martinović, predsjedavajući

**VRLO HITNO**

**PREDMET: Izjašnjenje Vlade Federacije Bosne i Hercegovine o amandmanima na  
Prijedlog Budžeta Federacije Bosne i Hercegovine za 2021. godinu - hitni  
postupak**

Poštovani,

U skladu sa članom IV.B.3.7.c) (IV) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog Budžeta Federacije Bosne i Hercegovine za 2021. godinu - hitni postupak, koje su u Domu naroda Parlamenta Federacije BiH podnijeli delegati: Damir Marjanović (4 amandmana) i Aner Žuljević (1 amandman)**, a koje je Vlada Federacije Bosne i Hercegovine utvrdila na 197. hitnoj sjednici, održanoj 30.12.2020. godine.

S poštovanjem,



Prilog: kao u tekstu

**Cc: Federalno ministarstvo finansija -  
Federalno ministarstvo financija  
gđa Jelka Milićević, ministar**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10 i 39/20), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog Budžeta Federacije Bosne i Hercegovine za 2021. godinu - hitni postupak, koje su u Domu naroda Parlamenta Federacije BiH podnijeli delegati: Damir Marjanović (4 amandmana) i Aner Žuljević (1 amandman), Vlada Federacije Bosne i Hercegovine je, na 197. hitnoj sjednici, održanoj 30.12.2020. godine, utvrdila sljedeće:

### **IZJAŠNJENJE**

**o amandmanima na Prijedlog Budžeta Federacije Bosne i Hercegovine za 2021. godinu, koje je podnio Damir Marjanović, delegat u Domu naroda Parlamenta Federacije BiH**

#### **AMANDMAN I**

U Prijedlogu Budžeta Federacije Bosne i Hercegovine za 2021. godinu razdjel 54., se mijenja tako da se vrši uvećanje ekonomskog koda 6143 - Tekući transferi neprofitnim organizacijama - Transfer za oblast nauke od značaja za Federaciju u iznosu od 1.500.000,00 KM.

Predlažem da se sredstva na ovom ekonomskom kodu obezbjede sa ekonomskog koda:

- Iz razdjela 12. sa ekonomskog koda 8216 Rekonstrukcija i investicijsko održavanje - Rekonstrukcija/Sanacija/Adaptacija zgrade Vlade Federacije Bosne i Hercegovine u Sarajevu i objekta poslovne zgrade "Staklena banka" u Mostaru

#### **AMANDMAN II**

U Prijedlogu Budžeta Federacije Bosne i Hercegovine za 2021. godinu razdjel 54., se mijenja tako da se vrši uvećanje ekonomskog koda 6143 - Tekući transferi neprofitnim organizacijama- Transfer za institucije nauke i kulture od značaja za BiH u iznosu od 500.000,00 KM.

Predlažem da se sredstva na ovom ekonomskom kodu obezbjede sa ekonomskog koda:

- Iz razdjela 12. sa ekonomskog koda 8216 Rekonstrukcija i investicijsko održavanje - Rekonstrukcija/Sanacija/Adaptacija zgrade Vlade Federacije Bosne i Hercegovine u Sarajevu i objekta poslovne zgrade "Staklena banka" u Mostaru

#### **AMANDMAN III**

U Prijedlogu Budžeta Federacije Bosne i Hercegovine za 2021. godinu razdjel 54., se mijenja tako da se vrši uvećanje ekonomskog koda 6143 - Tekući transferi neprofitnim organizacijama- Transfer za institucije nauke i I podsticaj NIR od značaja za Federaciju BiH u iznosu od 1.000.000,00 KM.

Predlažem da se sredstva na ovom ekonomskom kodu obezbjede sa ekonomskog koda:

- Iz razdjela 12. sa ekonomskog koda 6143 - Tekući transferi neprofitnim organizacijama – za političke stranke i koalicije

**IZJAŠNENJE**  
**Amandmani I, II i III se ne prihvataju**  
**Obrazloženje**

U postupku izrade Prijedloga Budžeta Federacije BiH za 2021. godinu, zaprimljen je Finansijski zahtjev budžetskog korisnika, izvršene tehničke provjere istog i izvršena je analiza i razmatranje svih relevantnih informacija dostavljenih od strane budžetskog korisnika. Na osnovu procjene i ukazane potrebe sa predstavnicima budžetskog korisnika je održan konsultativni sastanak na kojem su razmotrena sva pitanja vezana za projekciju rashoda budžetskog korisnika, te su u skladu sa Finansijskim zahtjevom i odobrena finansijska sredstva za navedene transfere.

Vlada Federacije Bosne i Hercegovine je stava da predložena Finansijska sredstva na razdjelu 12, glava 1201- Vlada Federacije Bosne i Hercegovine, na ekonomskom kodu 8216- Rekonstrukcija i investicijsko održavanje-Rekonstrukcija/Sanacija/Adaptacija zgrade Vlade Federacije Bosne i Hercegovine u Sarajevu i objekta poslovne zgrade „Staklena banka“ u Mostaru rješava dugogodišnji problem smještaja Vlade Federacije BiH, te da će navedena sredstva iskoristiti za adaptaciju prostora za neometan rad i bolje funkcioniranje.

Također, u Budžetu Federacije Bosne i Hercegovine za 2021. godinu na ekonomskom kodu 6143 - Tekući transferi neprofitnim organizacijama – za političke stranke i koalicije planiran je iznos od 3.800.000,00 KM, te ističemo kako je planirani iznos za određeni ekonomski kod u skladu sa Zakonom o izvršavanju Budžeta Federacije Bosne i Hercegovine za 2021. godinu, član 22. stav (1). Iz navedenih razloga amandmani se ne prihvataju.

**AMANDMAN IV**

U Budžetu Federacije Bosne i Hercegovine za 2021. godinu razdjel 44, se mijenja tako da se iza ekonomskog koda 6148 - Drugi tekući rashodi –Izdaci za izmirenje sudskih presuda i rješenja o izvršenju-Vansudska nagodba, dodaje i poseban ekonomski kod 6148 - Drugi tekući rashodi - Izdaci za izvršenje specijalnih revizija i da se na istom predvidi iznos od 120.000 KM.

Predlažem da se sredstva na ovom ekonomskom kodu obezbjede sa ekonomskog koda:

- Iz razdjela 10. glava 1001 Dom naroda Parlamenta Federacije Bosne i Hercegovine sa ekonomskih kodova 6142 - Tekući transferi pojedincima - Predsjedatelj i Dopredsjedatelji Doma naroda i 6143 - Tekući transferi neprofitnim organizacijama - Predsjedatelj i Dopredsjedatelji Doma naroda
- Iz razdjela 10. glava 1002 Predstavnički dom Parlamenta Federacije Bosne i Hercegovine sa ekonomskog koda 6142 - Tekući transferi pojedincima – Predsjednik i Potpredsjednici Predstavničkog doma i 6143 - Tekući transferi neprofitnim organizacijama - Predsjednik i Potpredsjednici Predstavničkog doma

**IZJAŠNENJE**  
**Amandman se ne prihvata**  
**Obrazloženje**

U postupku izrade Prijedloga Budžeta Federacije BiH za 2021. godinu, zaprimljen je finansijski zahtjev budžetskog korisnika, izvršene tehničke provjere istog i izvršena je analiza i razmatranje svih relevantnih informacija dostavljenih od strane budžetskog korisnika. Na osnovu procjene i ukazane potrebe sa predstavnicima budžetskog korisnika je održan konsultativni sastanak na kojem su razmotrena sva pitanja vezana za projekciju rashoda budžetskog korisnika, te nije utvrđeno da je budžetski korisnik u svom finansijskom zahtjevu za sredstvima iz Budžeta Federacije BiH za 2021. godinu planirao izdatke za izvršenje specijalnih revizija. Također, naglašavamo da su sredstva prema Uredu za reviziju institucija u Federaciji BiH u potpunosti odobrena u skladu sa Finansijskim zahtjevom budžetskog korisnika.

**IZJAŠNJENJE**  
**o Amandmanu na Prijedlog Budžeta Federacije Bosne i Hercegovine za 2021. godinu,**  
**kojeg je podnio Aner Žuljević, delegat u Domu naroda Parlamenta Federacije BiH**

**AMANDMAN**

Ekonomski kod 6143 – Tekući transferi neprofitnim organizacijama – Transfer za institucije nauke i kulture od značaja za BiH, koji iznosi 800.000 KM, uvećava se za 200.000 KM i iznosi 1.000.000 KM.

Ova sredstva će se osigurati na način da će se sa pozicije Federalno ministarstvo obrazovanja ekonomski kod 6000 – Tekuća rezerva – Vlade Federacije BiH – koji iznosi 5.000.000 KM, preusmjeriti 200.000 KM na konto ekonomskog koda 6143 – Tekući transferi neprofitnim organizacijama – Transfer za institucije nauke i kulture od značaja za BiH.

**IZJAŠNJENJE**  
**Amandman se ne prihvata**  
**Obrazloženje**

Predlagač u okviru amandmana nije precizirao razdjele, odnosno glave u Budžetu Federacije Bosne i Hercegovine na čijim ekonomskim kodovima bi bilo izvršeno navedeno povećanje/umanjenje sredstava, iz čega proizilazi da je uloženi amandman tehnički neispravan, stoga isti nije moguće realizirati.

Također, ističemo da je u Budžetu Federacije BiH za 2021. godinu na razdjelu 12 – ekonomski kod 6000 Tekuća rezerva – Vlade Federacije planiran iznos 5.000.000,00 KM. U skladu sa članom 60. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) sredstva tekuće rezerve, planirana u budžetu, koriste se za nepredviđene namjene, za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije bilo moguće predvidjeti. Obzirom na iskustva iz prethodnog perioda, u slučajevima poplava, suše i ostalih elementarnih nepogoda kao i trenutne epidemije činjenica je da se jedino iz sredstava tekuće rezerve mogu sanirati pomenuti hitni i nepredviđeni izdaci. Imajući u vidu navedeno, Vlada Federacije Bosne i Hercegovine je stava da umanjivanje sredstva tekuće rezerve za bilo koju drugu namjenu u budžetu nije prihvatljivo.

V. broj: 1817/2020  
30.12.2020. godine  
Sarajevo



**PREMIJER**

**Fadil Novalić**